





2

*Documēt*

ARREST DE LA COUR  
de Parlement du Vendredy qua-  
torsiesme iour de May.

27

---

1610.

11111111

Case

F

39

326

1610fp2

THE NEWBERRY  
LIBRARY

## DV VENDREDY XIIIII.

*May, mil six cens dix, ledit  
iour de releuee.*

## MESSIEVRS.

Mr. De Harlay Cheualier premier.

M. Potier.

M.

M. De Thou,                      Presidens.

M. Segulier.

M. Molé.                      M. Le Camus.

## MESSIEVRS.

**C**Ourtin, le Voyx, le Roy, l'Escot,  
Gilot, de Here, de Grieu, de  
Neuille, le Coygneux, Midorge, des-  
Landes, Scarron, Roullier, le Grand,  
Foucher, Banim, Billat, Seruin, de la  
Barre, de la Grange, l'Archer, de Mu-  
rat, Cathinat, Cheualier, Maynard,  
Garnier, Viole, Brulard, Gayant,  
Hatte, Molé, Preseau, Bragelongne,  
Sauarre, Bullion, Perrot, de Sainte-  
Marthe, Frades, le Bailleur Bicault,  
Segulier, de Guillon, de la Vau, de  
Chandieu, Berger, Pastoureau, le  
Mareschal, l'Huillier, le Celier, Bou-  
guier, Bier, Barillō, Durât, Foucquet,  
de la Nauue.



Ce iour l'Audiance tenant de releuee , la Cour fut leuee sur les quatre heures à cause du bruit suruenu au barreau de la blesseure du Roy si neantmoins à arresté qu'elle ne se separeroit iusques à ce qu'elle fut informee de l'occasion de ce bruiet & a ceste fin ordonne que les gens du Roy se transporteroient au Louure & pendant ce temps Monsieur le premier President seroit aduerty de ladite resolution, peu de temps apres seroit arriué ledit Sr. premier President, lequel toutes les chambres par luy assemblees auroit dit auoir rencontré en chemin Christofle du Hablay Bailly du Pallais son fils ayant commandement de la Roynede parler à la Cour que sa Majesté desiroit qu'elle fut assemblee & deliberer par elle ce qui deuoit estre fait sur le miserable accident qui estoit suruenu de la blessure du Roy , à l'instant les gens du Roy retournés du Louure , auroient dit par Maistre Louys Seruin Aduocat du Roy assisté de Maistre Carden le Bret son Colegue , qu'ils apportoint à la Cour vne luctueuse , & desplorable nouuelle que la necessité de leurs

charges les forçoit, que Dieu auoit fait  
 sa volonté du Roy, & que la Roynie  
 desolee leur à commandé prier la  
 Cour s'assembler pour aduiser ce qui  
 est necessaire en ce miserable estat, &  
 à fin d'y mettre telle assurance qu'il  
 ce pourra ils ont requis que ladite Da-  
 me Roynie soit declaree Regēte pour  
 estre par elle pourueu aux affaires du  
 Royaume, eux retirés & la matiere  
 mise en deliberation, ladite Cour à  
 déclaré & declare ladite Roynie mere  
 du Roy Regente en France, pour a-  
 uoir l'administration des affaires du  
 royaume pendant le bas âge dudit  
 Seigneur son fils avec toute puissance  
 & autorité & que presentement  
 deux de Messieurs les Presidens &  
 quatre des Cōseillers d'icelle se trans-  
 porteroient vers ladite Dame Roynie,  
 pour luy repeter ladite deliberation,  
 luy faire submission de son obeys-  
 sance & assurance de tous les Presidens  
 & Conseillers de son Parlement, qui  
 sont ses tres-humbles tres-obeys-  
 sants & tres-fidelles subiects & seruiteurs, &  
 pour cet effect sont partis Messieurs  
 les Presidēs Potier, & de Thou, Cour-  
 tin, Scarron, de Here, & le Pelletier

Conseillers, assistés desdicts Aduocats du Roy, & eux retournés, ont rapporté auoir fait entendre à la Royne fort esploree, la deliberation de la Cour & satisfait à ce qui auoit esté rapporté à quoy pressée de douleur ne fist autre responce que prier la compagnie ne se point separer qu'il ne fut allé quelqu'un de sa part vers elle, & quelque temps apres seroit venu le Sieur Bullion Conseiller du Roy en ses Conseils d'Estat, qui auoit dit auoir commandement de ladite Dame Royne de remercier la Cour de l'affection qu'elle luy a demostre par ses Deputés enuoyés vers elle, qu'elle a eu fort agreable ce qui c'est fait en ceste compagnie & a esté resolu en l'assemblee des Officiers de la Couronne. Que le Roy viendroit demain en ce lieu pour y tenir sōlict de Iustice, prioit la Cour y apporter ce qui seroit d'elle, a quoy mondit Sieur premier President auoit dit que la compagnie receuoit avec l'hōneur & la reuerēce accoustumee les commandemens de ladite Royne apres lequel ny auoit rien a deliberer, luy retiré a esté arresté que tout le Parlement se trouuera demain



en celieu auant sept heures du matin  
 en robes rouges le chapperon pour  
 y receuoir le Roy & ladite Cour leuee  
 apres huit heures du soir.

Ce iour-là, la Cour, les chambres as-  
 semblees deliberant sur ce que dessus  
 est venu en ladite Cour le Sieur Duc  
 de Guise, qui a dit qu'il supplioit la  
 Cour l'excuser de ce qu'il venoit en  
 autre estat qu'il ne deuoit, estant en  
 pourpoint & ayant son espee à la main  
 qu'il venoit en ceste compagnie qui  
 estoit le pillier de l'Estat, receuoir les  
 commandemens & l'asseurer que  
 comme il auoit tousiours fidellement  
 seruy le Roy de son viuant il feroit le  
 semblable a l'aduenir, montreroit a-  
 pres & seruiroit pour le biende l'Estat,  
 en ce que ladite Cour aduiferoit &  
 luy commanderoit, à quoy Monsieur  
 le premier President a dit que la com-  
 pagnie auoit occasion de louer & esti-  
 mer l'intention dudit Sieur, de bien  
 & fidellement seruir le Roy, que pour  
 son contentement il en seroit fait re-  
 gistre & qu'il auoit bien moyen d'en  
 rendre la preuue ayant vn gouuerne-  
 ment proche des antiens ennemis  
 de ceste Couronne, la conseruation

duquel importoit grandement au biē de cēt Estat le prioit de continuer en ceste bonne resolution luy faisant la Cour offre de sa bonne volonté.

Sur ce que le Procureur General du Roy à remontré à la Cour toutes les chambres d'icelle assemblées que le Roy estât presentemēt decedé, par vn tres-cruel tres-inhumain, & tres-detestable parricide commis en sa personne sacrée, il estoit necessaire pour uoir aux affaires du Roy regnāt & de son Estat, requerāt qu'il fust promptement donné ordre en ce qui concernoit son seruice & le bien de son dit Estat, qui ne pouuoit estre réglé & gouverné que par la Royne pendant le bas âge dudit Seigneur son fils, & qu'il pleust à la Cour la declarer regente pour estre pourueu par elle aux affaires du Royaume, la matiere mise en deliberation.

Ladite Cour a déclaré & declare ladite Royne mere Regente en France, pour auoir l'administratiō des affaires du Royaume pendant le bas aage dudit Seigneur son fils avec toute puissance & autorité.



